



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

Prologvs Avthoris quo intentionem suam, pariter ac materiam & libri
partitionem, simulatq[ue] seriem insinuat.

urn:nbn:de:hbz:466:1-30878

PROLOGVS AVTHORIS .I.

quo intentionem suam, pariter ac materiam & libri partitionem, simul atq; seriem insinuat.



COMPLURES libros qui iam pridem ex officina Lutheri prodierunt in orbē, haud citra grauē animi dolorē perlegi, nimirum q̄ in eis tantū ubiq; ueneni sparsum offenderim, q̄ simpliciorū animi, neq; paruo numero, lætaliter indies inficiuntur, At nullum unquam pestilentiore, infan-
 norem, impudentiore uidi, quam illum cui de abroganda missa titulū adhibuit, in quo molitur penitus abrogare corporis & sanguinis CHRISTI sacrificium, quod hactenus ab ecclesia cum primis habitum est salutiferū, & ingentis omnibus Christi fidelibus deuotionis incentiuū. Vt autem istud probabilius efficiat, multa garrulitate contendit nullum esse sacerdotium uisibile, sed id sacerdotij, quod tot sæculis patres priores usurparunt, partim humanis mendacijs confictum, partim satanicis instinctibus erectum fuisse, modis omnibus affirmat. Sic enim ait prope libelli sui exordium,
 Certus esto, nec ulla persuasione falli te sinas, quisquis esse uoles pure Christianus, nullum esse in nouo testamento sacerdotium uisibile & externum, nisi quod humanis mendacijs est per Satanam erectum. Quamobrem (ne diutius morer lectorē) treis impetus aduersus sacrum sacerdotium idem Lutherus facit, hoc est, tribus argumentis, uelut totidem arietibus, ipsum impetit, quibus (ut ipse putat) sacerdotij ueritatem subruit funditus. Sic em̄, posteaq; impetus illos in sacerdotes iaculatus fuerit, illico subdit. Persuasum arbitror his tribus argumentis ab unde omnibus pijs cōscientijs, sacerdotium istud missale & papisticum prorsus Satanae operationem esse, unde satis fideliter erudiri quisq; potest, ne quicq; apud eos recte & pie geri credat, & missas istas sacrificias non nisi ad iniuriam testamenti dominici repertas, proinde nihil in toto mundo æque fugiendum, detestandumq; esse, atq; speciosas huius sacerdotij lernas, missas culturas, pietates & religiones, Siquidem præstat, publicum lenonem aut latronem esse q̄ huius generis sacerdotem

Lutherus de abroganda missa,

Sacerdotium insectatur.

Trifariam aduersus sacerdotiū pugnat

A

PROLOGVS.

Exclamatio
authoris.

Agendoy
ratio.

Partitio
operis

Hæc ille. Proh deum immortalem, Quis tam impia menda-
cia Christi mysterijs impropere ferat equanimiter? Quis tã
iniquas contumelias in dei sacerdotes haud grauatim audiat?
Imo quis tantas blasphemias, absq; cordis ingenti merore &
lachrymis possit legere, si tamen aliquam in suo pectore chri-
stianæ pietatis micam habeat uel minimã? Nos itaq; de Chri-
sti benignitate confisi, tres alios impetus uicissim in Lutherũ
uibrare conabimur, quibus (nisi plurimum fallor) ueluti spon-
gia quadam abstergemus omnia, quæcunq; Lutherus scedo
suo & blasphemio ore sacerdotibus exprobrauit. Cæterum
ne confusio quæpiam fiat, & lector incertus reddatur quoties
de impetibus, sermo sit, an de nostris, an de Lutheri potius
intelligamur, nos nostros impetus, congressus, appellabimus.
Primus itaq; congressus erit præscriptio prioris ueritatis, quæ
nobis a primis ipsis ecclesiæ fundatoribus per orthodoxos pa-
tres infallibiliter promanauit. Secundus erit digesta quedam
ex literis sacris axiomatum aliquot series in aciem instru-
cta, qua plane sacerdotium illud, quod ipse uisibile
uocat, statuetur. Tertius erit singularum op-
positionum Lutheri dilucida manife-
stac; conuulsio. Cæterum, ne
multis uerbis tempus tera-
mus inaniter, rem ip-
sam paucis ag-
gredia-
mur.